



**«ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՐՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ»  
ՀԻՄՆԱԴՐԱՄԻ**

**ՊՐԱԿՏԻԿԱՅԻ ԲԱԺՆԻ  
ԿԱՆՈՆԱԿԱՐԳ**

«Հայաստանի ֆիզիկական կուլտուրայի և սպորտի  
պետական ինստիտուտ» հիմնադրամի  
Գիտական խորհրդի  
2022 թվականի հունիսի 30-ի թիվ 121-Լ որոշման

## ԿԱՆՈՆԱԿԱՐԳ

«ՀԱՅԱՍՏԱՆԻ ՖԻԶԻԿԱԿԱՆ ԿՈՒԼՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ»

## ՀԻՄՆԱԴՐԱՄԻ

## ՊՐԱԿՏԻԿԱՅԻ ԲԱԺՆԻ

### 1. ԸՆԴՀԱՆՈՒՐ ԴՐՈՒՅԹՆԵՐ

1. «Հայաստանի ֆիզիկական կուլտուրայի և սպորտի պետական ինստիտուտ» հիմնադրամի (այսուհետ՝ Ինստիտուտ) Պրակտիկայի բաժնի (այսուհետ՝ Բաժին) կանոնակարգը սահմանում է Բաժնի նպատակը, խնդիրները, կառուցվածքը, իրավասությունները, բաժնի ղեկավարի և աշխատողների իրավունքներն ու պարտականությունները և պատասխանատվության շրջանակը:
2. Բաժինը իր գործունեությունն իրականացնում է «Կրթության մասին», «Բարձրագույն և հետբուհական մասնագիտական կրթության մասին» ՀՀ օրենքների, Ինստիտուտի կանոնադրությանը և ներքին իրավական ակտերին համապատասխան:
3. Բաժինը կարող է ունենալ կնիք և ձևաթուղթ:
4. Բաժինը վերակազմավորվում կամ լուծարվում է համաձայն Ինստիտուտի կանոնադրության:

## 2. ՊՐԱԿՏԻԿԱՅԻ ԲԱԺՆԻ ՆՊԱՏԱԿԸ, ԽՆԴԻՐՆԵՐՆ ՈՒ ԳՈՐԾԱՌՈՒՅԹՆԵՐԸ

5. Բաժնի նպատակն է Ինստիտուտում գործող բոլոր կրթական ծրագրերով նախատեսված պրակտիկանների կազմակերպումը և վերահսկում:
6. Բաժնի խնդիրներն են՝
  - 1) պրակտիկանների նախապատրաստական աշխատանքների, ընթացքի և կատարված աշխատանքների հսկում և համակարգում,
  - 2) պրակտիկայի արդյունքների մասին հաշվետվությունների ներկայացում,
  - 3) պրակտիկայի գործընթացի բարելավման նոր արդյունավետ մոտեցումների մշակում:
7. Բաժնի գործառույթներն են՝
  - 1) Բաժնի աշխատանքների համակարգում և վերահսկողություն,
  - 2) բակալավրի և մագիստրատուրայի կրթական ծրագրերի շրջանակում իրականացվող պրակտիկանների ողջ գործընթացի կազմակերպում, վերահսկում և ամփոփում,
  - 3) պրակտիկայի բազաների և մեթոդիստների կազմի որոշում, վերջիններիս հետ գիտամեթոդական խորհրդակցությունների, սեմինարների անցկացում,
  - 4) պրակտիկայի բազաների ներգրավման աշխատանքներ,
  - 5) շահագրգիռ կողմերի հետ համատեղ մեթոդիստների վերաապատրաստումների և որակավորման բարձրացմանն ուղղված դասընթացների ծրագրերի մշակում,
  - 6) պրակտիկայի ընթացքի վերահսկողություն և համակարգում,
  - 7) մեթոդիստների հետ համատեղ պրակտիկանների ամփոփում՝ հաշվետվությունների ընդունում, գնահատում
  - 8) պրակտիկայի արդյունքների վերաբերյալ հաշվետվության ներկայացում ֆակուլտետների խորհուրդներում,
  - 9) պրակտիկայի կազմակերպմանը վերաբերելի ներքին իրավական ակտերի նախագծերի մշակում,
  - 10) լավագույն ուսանող-պրակտիկանտների բազաների ստեղծում և վարում,
  - 11) ելից գրությունների նախագծերի, զեկուցագրերի, պահանջագրերի կազմում,
  - 12) Բաժնի գործունեությանը վերաբերելի ներքին իրավական ակտերի և դրանց փոփոխությունների նախագծերի կազմում և ներկայացում համապատասխան մարմնի հաստատմանը,

- 13) Բաժնի գործունեության վերաբերյալ տարեկան հաշվետվության, աշխատանքային պլանների կազմում և ներկայացում, առաջարկությունների ներակայցում,
- 14) ՀՀ տարբեր գերատեսչություններից ստացված գրությունների պատասխանների նախագծերի կազմում:

### **3. ՊՐԱԿՏԻԿԱՅԻ ԲԱԺՆԻ ԿԱՌՈՒՑՎԱԾՔԸ**

8. Բաժնի կառուցվածքը սահմանվում է Ինստիտուտի հաստիքացուցակով:
9. Բաժնի ղեկավարի և աշխատողների աշխատանքային իրավունքների և պարտականությունների շրջանակը սահմանվում է ՀՀ աշխատանքային օրենսդրությամբ, սույն կանոնակարգով, Ինստիտուտի ներքին իրավական այլ ակտերով, աշխատանքային պայմանագրերով և աշխատանքի նկարագրերով:
10. Բաժնի ղեկավարումը իրականացնում է բաժնի ղեկավարը՝ համաձայն Ինստիտուտի կանոնադրության, սույն կանոնակարգի և իրավական այլ ակտերի:
11. Բաժնի ղեկավարին նշանակում և ազատում է Ինստիտուտի ղեկավարը:
12. Բաժնի աշխատանքները համակարգում է ուսումնագիտական գծով պրոռեկտորը, ում անմիջապես ենթակա և հաշվետու է Բաժնի ղեկավարը:

### **4. ՊԱՏԱՍԽԱՆԱՏՎՈՒԹՅԱՆ ՇՐՋԱՆԱԿԸ**

13. Բաժնի ղեկավարը և աշխատողները պարտավոր են պահպանել Ինստիտուտում գործող ներքին իրավական ակտերը, սահմանված ժամկետներում, բարեխղճորեն և պատշաճ հետևողականությամբ կատարել Ինստիտուտի ղեկավարի կողմից իրենց տրված հանձնարարականները և կարգադրությունները:
14. Բաժնի ղեկավարը և աշխատողները պատասխանատու են իրենց վրա դրված գործառույթների ժամանակին և պատշաճ կատարման համար:
15. Բաժնի ղեկավարը և աշխատողները իրենց վրա դրված պաշտոնեական պարտականությունները չկատարելու համար պատասխանատվություն են կրում Հայաստանի Հանրապետության օրենսդրությամբ սահմանված կարգով:
16. Բաժնի աշխատողները պարտավոր են ապահովել իրենց ծառայողական պարտականությունների կատարման ընթացքում իրենց հայտնի դարձած տեղեկատվության

գաղտնիությունը: Դրանք հրապարակելու դեպքում նրանք պատասխանատվություն են կրում Հայաստանի Հանրապետության օրենսդրությամբ սահմանված կարգով:

17. Բաժնի աշխատողների գործառությանին պարտականությունները սահմանվում են պաշտոնի նկարագրերով:

## **5. ԵԶՐԱՓՈՒԿ ԴՐՈՒՅԹՆԵՐ**

18. Սույն կանոնակարգն ուժի մեջ է մտնում Ինստիտուտի Գիտական խորհրդի կողմից հաստատվելու օրվան հաջորդող օրվանից:

19. Սույն կանոնակարգում փոփոխությունները և լրացումները կատարվում են Գիտական խորհրդի որոշմամբ: